

## **Tortolì s'agiùdicat fintzas ocannu is fundos regionales pro sa promotzione de su sardu**

Pro su segundu annu de sighiudu su Comunu de Tortolì at otentu su finantziamentu regionale "TuLis 2024" destinadu a s'amparu e valorizatzione de sa limba sarda. Sa Regione Autònoma de sa Sardigna (RAS) at aprovalu difatis sa classifica de is progetos finanziabili, includende su de su Comunu de Tortolì.

Su progetu aprovalu dae 36000 èuros, a titulu "Tortolì genna de s'Ogliastra 2", cumprendet diversas initiatives: faina de isportellu, consulèntzia ortogràfica, promotzione de su territòriu e laboratòrios culturales in is iscolas e in biblioteca. Tra is novidades de ocannu, ddoe sunt duos cursos de formatzione linguistica abertos a sa tzitadinàntzia e unu progetu culturale "Terra de brocas", focalizadu subra s'antiga arte vasaja de Tortolì, cun un'acostamentu multisensoriale pro s'aprendimentu inclusivu.

"Mancari su pagu tempus e is critèrios noos de seletzione de su bandu, s'Àrea Sotziale Iscolàstica Culturale de su Comunu de Tortolì est resèssida, in prus pagu de unu mese, a realizzare unu progetu chi satisfagheret totu is requisitos netzessàrios pro s'aprovatzione", at declaradu s'Assessore a sa Cultura Rita Cocco.

Su progetu nou, at a èssere ativadu a sa concrusione de s'annualidade in cursu, finantziada cun is fundos regionales de su 2023, otentos semper dae s'amministratzione Ladu. Dae ghennàrgiu de ocannu, s'isportellu linguisticu at organizadu diversos laboratòrios in is iscolas elementares e mèdias de sa tzitade, in prus at promòvidu sa limba sarda in is ludotecas e tzentros istadiales. In abrule, in prus, at collaboradu a sa realizatzione de sa cunferèntzia organizada dae su Comunu is s'auditòrium Caritas in occasione de "Sa Die de da Sardigna", acantu ant partetzipadu prus de 200 istudiantes.

Como, est in cursu sa faina culturale "Agitòriu su moru", chi includet bìsitas ghiadas a is logos istòricos de sa presèntzia moresca in su territòriu de Tortolì, sa publicatzione de unu librigeddu dedicadu a is càntigos e a is contos de sa traditzione orale acapiados a sa figura de su "moru", e s'istampa de brochure informativas dedicadas a is turre de guàrdia e a is crèsias de su campu de Tortolì.

Semper ocannu sunt prevididos fundos pro sa toponomàstica in limba sarda, cun su collocamentu de cartellos descriptivos bilingue (sardu-italianu) in crèsias, monumentos, ispiàgias e palatzos istòricos de sa tzitade.

"Cun su finantziamentu nou, s'amministratzione nostra ponet in atu unu de is interventos prevididos in su programa elettorale, puntende a sa valorizatzione de sa limba nostra, chi podet èssere un'impèllida pro s'isvilupu culturale, turisticu e territoriale", at afirmadu su sindigu Marcello Ladu.

## **Tortolì si aggiudica anche quest'anno i fondi regionali per la promozione del sardo**

Per il secondo anno consecutivo, il Comune di Tortolì ha ottenuto il finanziamento regionale "TuLis 2024" destinato alla tutela e valorizzazione della lingua sarda. La Regione Autonoma della Sardegna (RAS) ha approvato infatti la graduatoria dei progetti finanziabili, includendo quello proposto dal Comune di Tortolì.

Il progetto approvato da 36 mila euro, denominato "Tortolì genna de s'Ogliastra 2", comprende diverse iniziative: attività di sportello, consulenza ortografica, promozione del territorio e laboratori culturali presso scuole e biblioteca. Tra le novità di quest'anno, vi sono due corsi di formazione linguistica aperti alla cittadinanza e un progetto culturale intitolato "Terra de brocas", focalizzato sull'antica arte vasaia di Tortolì, utilizzando un approccio multisensoriale per l'apprendimento inclusivo.

"Nonostante i tempi ristretti e i nuovi criteri di selezione del bando, l'Area Sociale Scolastica Culturale del Comune di Tortolì è riuscita, in meno di un mese, a realizzare un progetto che soddisfacesse tutti i requisiti necessari per l'approvazione", ha dichiarato l'Assessore alla Cultura Rita Cocco.

Il nuovo progetto, sarà attivato alla conclusione dell'annualità in corso, finanziata con i fondi regionali del 2023, ottenuti sempre dall'amministrazione Ladu. Da gennaio di quest'anno, lo sportello linguistico ha organizzato diversi laboratori presso le scuole elementari e medie della città, oltre a promuovere la lingua sarda nelle ludoteche estive. Ad aprile, inoltre, ha collaborato alla realizzazione della conferenza organizzata dal Comune presso l'auditorium Caritas in occasione di "Sa Die de sa Sardigna", alla quale hanno partecipato più di 200 studenti.

Attualmente, è in corso l'attività culturale "Agitòriu su moru", che include visite guidate ai luoghi storici della presenza moresca nel territorio di Tortolì, la pubblicazione di un opuscolo dedicato ai canti e ai racconti della tradizione orale legati alla figura del "moro", e la stampa di brochure informative dedicate alle torri di guardia e alle chiese campestri di Tortolì.

Sempre nell'annualità in corso sono previsti dei fondi destinati alla toponomastica in lingua sarda, che prevedono il collocamento di cartelli descrittivi bilingue (sardo-italiano) presso chiese, monumenti, spiagge e palazzi storici della città.

"Con il nuovo finanziamento, la nostra amministrazione mette in atto uno dei tanti interventi previsti nel programma elettorale, puntando alla valorizzazione della nostra lingua, che può essere un volano di sviluppo non solo culturale, ma anche turistico e territoriale", ha affermato il sindaco Marcello Ladu.